

# Аллоҳ таолонинг валий бандаларидан бўлишимизга сабаб бўлувчи 10 та амал



15:00 / 24.01.2021 2940

## Тўртинчи амал

Ҳавойи нафс ёмонликларга бошлаган чоғларда ҳам Аллоҳ таолога маҳбуб амалларни нафси истаб турган амаллардан устун қўйиш.

لَا أَقْمَلَسُوهُ لَعَلَّ يَلْعَلُ لِيَصِيَّبَنَّ لِي نَعْمُ نَعْمُ لِي لِي ضَرَّةَ رِيءِهِ يَبْأَنْع  
:أُولَاق ؟ تَجَرُّدًا لِي وَبِعَفْرِي وَ أَيَطَّخُّ لِي وَبُهِ لِي وَخَمِّي أَمْ يَلْعَلُ مُكَلِّدًا لِي  
أَطَّخُّ لِي أَرْتَكُّ وَ يَوْرَاكَ لِي يَلْعَلُ عَوْضُ وُلَاغِ ابْسَا : لَاق ، لِي لِي لِي لِي لِي لِي لِي لِي  
هُ أَوْر ، طَابَّر لِي مُكَلِّدَ فِةَالَّ ص لِي دَعَبِةَالَّ ص لِي رَا طِ تَنْ أَو ، يَجَاسَم لِي يَلْإ  
:يَئِاسَنَّ لِي أَوْ يَذْمُرَّتْ لِي أَوْ مَلْسُمْ

Абу Ҳурайра розияллоҳу анҳудан ривоят қилинади:

**«Набий соллаллоҳу алайҳи васаллам:**

**«Сизларни Аллоҳ хатоларни ўчирадиган, даражаларни кўтарадиган нарсага далолат қилайми?» дедилар. Улар:**

**«Албатта, эй Аллоҳнинг Расули», дейишди.**

**У зот:**

**«Қийинчиликларга қарамай, таҳоратни яхшилаб қилиш, масжидларга қадамни кўпайтириш ва намоздан сўнг намозни интизор бўлиб кутиш. Ана ўша сиз учун «муробитлик»дир», дедилар».**

*Муслим, Термизий ва Насайий ривоят қилганлар.*

Ислонда мусулмонларни душманлар ҳужумидан ҳимоя қилиш учун шай бўлиб, чегарани қўриқлаб турган одам «муробит» дейилади. Бомдод намозини ўқиш учун иссиқ кўрпани устидан олиб, туриб, таҳорат қилиш ва масжидга юриб бориб, намоз ўқиш Аллоҳ азза ва жалланинг рози бўлишига, хатолар ўчирилишига, даражалар кўтарилишига сабаб бўладиган амаллардандир. Нафс иссиқ ўриндан тургиси келмаса, банда нафсининг истагига қарамай, Аллоҳ таолонинг амрига итоат қилиб, намоз учун ўрнидан туриб, ҳаво совуқ бўлишига қарамай, таҳоратни яхшилаб қилиб, масжидга бориши Аллоҳ таолога маҳбуб амални нафси хоҳлаган амаллардан устун қўйишга мисоллардан биридир.

**Нозимжон Ҳошимжон тайёрлади**